



和16
928
7





普天忠憤全集卷之七 論門

曲阜魯陽生孔氏編定

漢軍寶 璋 裴 臣

蒲圻覃廷楨蔭堂分校

大倉鮑文蔚貫參

夔州程正學文先參校

黃岡林郁鈞可廷

蒲圻鄧人梓樹梧

仁和程 銑 裕 雲

遠慮論

古今所重乎君子者以存心而已矣古今所稱為豪傑者識時務而已矣范希文憂
 樂同乎天下只以存心武鄉侯忠思廣之眾人唯識時務方今吏治之壞上下相蒙
 名節罔惜模稜了事賄賂公行黃緣鑽利者勢位常豐砥礪廉隅者遭逢輒蹇求其
 守正不阿引天下為己任刻刻存心 君國而皎然不欺者當代鉅公落落二三人
 而已此二三人者又未能大柄用往往澄心渺慮一抒救時之策輒為吏文所牽制
 不得行其志而展其才四夷密伺其隙遂漸增其禍心驟發有欲剪諸姬之氣而天
 下隳然多故矣此時務之所以潰決也然時務至此而欲見於未萌觀於無形可稱
 豪傑者安在耶猶憶今年春銑與蜀南孝廉張羅澄者相遇於滄上每日把酒痛飲
 慨談當世事時日氛甚惡聞王方伯之春乞援俄國孝廉嘆曰此吳三桂請本朝入
 關之故事也繼聞朝議不允相共慶慰適感旅失守日人授及大沽二月十八日傳
 相行成由津出使廣島會議日人索兵費二百兆不肯反我遼陽侵地俄人助順逼

普天忠憤全集卷之七

日人相還轉割台灣加償兵費三十萬孝廉嘆曰此俄人伺漁人之利殆不欲將來假道於雲也及和議定約士大夫怨日德俄恨我國不乘俄仗義執言密國共滅日本孝廉又浩然歎曰嗟乎南宋助元滅金而元卒以覆宋非其股鑿歟何計之左也銑請其故孝廉曰西報載俄前王臨終諭嗣王曰我恨不能速死十年盡將亞細亞洲臣服於我故中日戰事方殷時西報猶稱日本如將俄王臨終語思之則共處亞洲之內應與中國唇齒相依連衡拒俄彼此相安彼此皆可長久何反與中國啟衅自速其亡西人之言可謂動中肯綮矣不然俄人阻遼陽之割而割台灣加兵費則默不一語此其利我之心所謂司馬昭之心路人皆知者也何也俄鐵路已抵琿春一旦遼陽割畀日人犬牙相錯勢不能長驅直入矣而我乃受其愚弄信以為然豈俄果德我而報我哉成事不說為今之計惟選聰明才辨之士使說日本為之數陳斯義幸而聽從則社稷之福也孝廉語罷仰天長嘆銑作而起曰君存心天下深悉時務殆文正武鄉之流亞歟遂與相視而笑旁觀者亦不知我二人為何語也持備志之質諸留心時局諸君子

尊酒閒談遂為載記滌雲殆留心人才者歟充斯意也可與宰天下矣

張羅澄

時事紀聞

倭警起聞有出使英國副使某君密陳軍務籌邊等餉摺求使者奏上不納遂貽書

京友謀召歸供職不報先後陳時務軍務十餘書上翁師傳孫軍機張制府會核順威海不守京師危震英使議添兵入京城護其使署意存恐喝某君慮其乘危劫割總署電使者沮之於英外部外部力言無他使者信之電總署請許之某君子於使者備陳不可狀不聽拂袖而罷某君遂決辭職顧念大局中夜憤歎乃密謀購船募水師一旅赴援用美國副將夾阜智利水師官麥福之謀託名澳大利亞商會潛通英議紳潔華特倡議商會舉辦水師保護商務以亂其聽夾為鐵路公司總辦麥為電線公司總辦貿易皆在英恐事發紀局外例為英所執要以隨使東渡給以羅兵後中國必大舉鐵路電線酬以承修保限厚利事既諧貽書翁孫兩尚書張樵野廖仲山兩侍郎唐春卿閣學張南皮制府謀決計與倭戰先是王爵堂方伯使俄唁賀密旨乞師時合肥使倭求和議割遼臺俄師出逼倭讓還遼東德法亦會師公議展緩換約日期時某君辭差未行適王使還過英取道巴黎行且就達乃因楊慶棠比部以謀告王使喜更謀先密襲倭國電南洋請 旨未下而和議成報罷南洋電王使云和款太奇恐有變更囑留歐勿行為續議地步旋聞臺民義不降倭王使遂謀乞法出師保臺而以所謀一旅會之某君建議移此一旅潛赴救台錄名於台民所購法本擬出師而聯合西班牙荷蘭二國為某使所忌措詞煽沮四月十四日倭使在烟台越換約五鼓倭使以約行明晨而倭廷允展換約日期之電至已無及矣南

洋電稱一誤再誤憤恨欲死由斯以觀而知天下事之難於措手矣以某君之謀成而卒不用致使大局決裂如此誰東國鈞階之為禍余故歎息痛恨備書其事而隱某君之名云

述記禦倭策

海昌陳其元子莊

同治甲戌日本以臺灣生番戕殺琉球人為詞舉眾數千突入臺境紮營築壘與生番攻戰蓄意巨測全臺震動事聞

上命福建船政大臣前江西巡撫沈公統師蒞臺相機籌辦沈公怒其猖獗上疏請剿廷議久之不決倭勢益張將圖深入其議原有踏破我二百郡之說聞者髮指訛言繁興沿海皆警余前在上海頗悉倭情知其有瑕可蹈爰上書李爵相請發舟師分道運籌其國為圍魏救趙之計爵相亦甚韙余言旋倭與番戰不利且疾疫大起英國公使威妥瑪從中調處

朝廷重惜民命允予撫卹銀兩倭人喜得息肩遂解而歸然其眾之死亡者已不少矣余頗以吾謀不用坐失此機為恨嗣見應敏齋方伯上張振軒中丞書與余意見相合且議論較余更為暢達用錄存於右俾天下後世莫謂秦無人也方伯之書略曰日本介在東洋密通中國其人狙詐多端素無信義近者一切效法西人忘思自強潛圖開蓋其意狡焉思逞久矣今乃背約稱兵藉詞構釁闖入我邊境劉我番民中國欲全舊好據理與爭不遽用武並許為之建望樓塔表護彼商船可謂寬大極矣禮義著矣詎料彼之詭計即以虛言疑我而久踞番社誘脅番人又運屋材攜農具為築室屯耕之計存番迫於凶敵勢必盡受羈縻原則臺灣之地與我共之異日難保

不驅羣番為前導以與我爭臺灣夫臺灣雖小我

聖祖皇帝勤勞二十年而得之者也臺灣有事則閩粵江浙處處戒嚴古人謂一日
縱敵數世之患今日臺灣番事之謂也且諸國通商以來所以猶就範圍不啟戎心
者以其有條約在也今日日本不守條約若令得志非惟為日本所竊笑西人更將貌
視中國為今之計宜舉日本背約之罪布告諸國並援公法嚴捕倭人在臺諸軍分
據險要務遏絕敵人接濟並其歸路勿輕與戰密諭番人伺間狙擊廈門一口未知
能扼以舟師斷敵人往來之路否一月以後彼之糧餉煤火子藥必漸告罄番人見
官軍相助亦必奮力抗拒彼前阻深山不能驟進又畏官軍相助其後臺洋風濤險
惡彼船雖利豈能久泊勢孤心怯宜無遠師之理所慮者既退而修怨必擾我沿海
諸省設防之具自不可不預籌也現在本省防務業經督撫嚴密布署無可再贊惟
以全省而論設防之法必使諸省各自為戰則守禦有責成亦必使各省互相救援
則氣勢方聯絡何以言之今之倭寇與前明之倭寇異明之中葉各島奸商乘明網
紀廢弛勾結羣民為亂其迹同乎流寇故蔓延而害廣今日日本兵士二千有奇聞尚
雇有西洋及中國人在內乃其國王所遣成軍以出志在開邊故力聚而勢專然竊
料日本之兵力可以注我一路多亦不過兩路萬不能分擾各省今察地勢直隸可
與奉天山東併力江蘇可與浙江併力廣東可與福建併力彼省有警則此省出兵
以救之甚至一省有警則四五省酌度分兵以救之輪船迅疾固朝發而夕至也至
中國輪船宜再陸續購備合之閩滬兩廠所造凡火輪戰艦須過三十號以外再得
銅包戰船四五號分撥少許以扼最要之口此外共配精卒萬餘會合訓練昔年水
師宿將如前陝甘總督楊官保智勇兼備戰功著威名播於遐邇應請奏懇
皇上特召視師專營輪船大軍追逐寇蹤南則與之俱南北則與之俱北各省諸軍夾
擊客主順逆之分勝負必有所在籌防之要當不外此雖然古之馭外夷者必能守
而後和可恃亦必能戰而後守可完與其戰與內地不如戰於外洋與其戰於外洋
不如戰於彼國竊觀今之日本有可伐者數端請陳其說往者日本國王不改者者
逾二千年國中七十二島島各有王列為諸侯自美加多篡國廢其前王又削各島
主之權島主失柙而懷疑遺民念舊而蓄憤常望一旦有事乘間蠢起彼昏不悟尚
復構怨高麗使國中改西服效西言焚書變法於是通國不便人人思亂今宜師管
子攻瑕之說乘中國冠平未久宿將多存勁旅未散有事東洋亦藉以練習船馭與
起人材失此不為後數十年彼基益固而中國承平日久民不知兵猝為所乘悔將
奚及撥之於時而宜致討者一也昔年中國由普陀趨長崎水程四十更風浪巨險
由廈門趨長崎水程七十二更商民渡海皆由之元代征倭會兵合浦大抵亦由南
道今則往來者眾新道益開自上海至長崎水程不過千四百餘里輪船兩日夜可

達斷無元代颶風之虞且中國所以屢繼於外人者以彼合從連橫協以謀我不得
不防決裂含忍至今幸諸國未與合謀尚得用全力申注而日本之國小援孤亦
斷非泰西諸國之比也酌於勢而可致討者一也議者每以元代征倭喪師十萬用
為殷鑒不知元人以徵貢不至遽興無名之師又用宋降將范文虎為統帥一遇颶
風遽自棄師潛遁蓋其理不直其用人又不當以至於敗使倭人至今有輕中國之
心正宜因此折其驕鋒破其故見使之有所震懾古來兩國交兵苟能仗義執言則
勝者常十八九反是則敗者亦常八九今日日本敗盟棄約侵犯我疆彼固內反而自
慚各國亦旁觀而竊議我之興師以奉辭伐罪為主而初無耀兵域外之心以征撫
降服為圖而非存拓地開疆之見將所謂堂堂之陣正正之旗於是乎在此質之於
理而當致討者一也今中國海疆自瓊崖迄於遼碣迴環二萬里若欲處處設防中
國勞費固已不支而又未能保處處無虞也誠選勁旅萬人徑搗長崎進逼倭都則
彼先已奪氣將撤兵自救之不暇斷無餘力以犯我兵法所謂批亢擣虛形格勢禁
攻其所必救也夫是之謂以攻為防以攻為防則合數省之力萃於一路勞費省而
防轉可恃以守為防則竭數省之力分備諸路勞費繁而防且難恃此其得失不待
明者而決之也且我軍戰內地一有失利則全省震驚即戰而獲勝而內地之民被
其荼毒受其誘脅者已無窮矣我軍戰倭地縱偶有挫失不過損傷軍士而已添募

以往不難也若戰而勝則我可因糧於敵招彼民為嚮導矣夫攻人之與受攻於人
也豈可同日語哉此籌之國計與民瘼而尤不得不致討者一也凡此數端機不可
失亟宜預為布置速購船械以備訓練倘若

廟謨早定以李傅相節制沿海軍務仍鎮天津拱衛畿甸楊宮保節制戰輪水軍直
指長崎必可以內外協力奪揚威武檄令高麗起師渡對馬島使震盪日本之北路以
分其兵勢高麗本我屬藩必願乘時略地以洩舊憾我師宜禁止殺掠號召其前王之舊將與故臣
遺民有願舉義匡復者俾求故王之後立以為王許盡復其國之舊制各島主有挈地投誠者封以
王號使各為自主之國夫日本之人望變久矣臨以大兵後有不瓦解者且事固措注不勞而厥效克傳
者漢武帝時募良家子弟及有罪之戍卒得自請奪擊匈奴雍正中選各省技勇數千人號勇
健軍屯巴里坤故地盜賊絕蹤道光回疆之役選南北路遣犯二千為死士屢挫賊鋒今宜遠仿漢
制近法

先朝廣募沿海梟徒蛋戶漁丁及閩粵間械關之民及哥老會中驚悍之士許令投効軍前奮擊
日本優其廩餼凡合三千人鼓之以不次之官不賞之賞統以健將濟以輪船用為前驅此輩皆亡
命犯法不畏死之人正所謂以毒攻毒死固無損於中國不死亦能建威於外國倘日本自知理屈勢窮
遣使行成願申舊約則必使償我兵費稱我東藩然後收師而退果能如是非特今日日本畏懷亦且
使西人警懼中國之患少有多乎然則綜而計之今日界以番地曲全和約兵端若可暫弭而

後漢無窮和亦難恃策之下也決計驅逐待其入寇隨時禦之策之中也先為非常之舉以奪積弱之勢雖得失參半猶愈於坐而自弱策之上也使彼或聞

天威赫怒知中國未可與爭願遵和約不戰自屈尤善之善者也抑本司更有望者自來天下大事往往敗於二三成於一旦在昔庚子辛丑之間洋人初入中國

朝廷未悉外夷情狀和戰迄無定局每變一議則罪其前議之人於是當事者不敢任事局益變而勢益不振迨劉勳身尊堅持定見不稍改移卒能使賢才勃興殲除巨寇此蓋斷與不斷之效也應請奏求

皇上博採群議衷於一是然後乾斷獨運默定至計俾中外大臣奉而行之用人則慎之又慎方略則精益求精盡屏局外浮言勿視東

洋為過重此即制勝之道也本司通計中國應購船礮及水雷開花後膛洋鎗之屬為費當逾千萬一時無從籌措祇可商借洋款由各海關分年籌還即便不戰而守前項船礮亦須預備當此時事多艱但望中外力節浮

費數年之內債此等需則元氣不至大損或尚可補救於萬一倚昧之見是否有當既承命妄參末議不敢不盡其區區之愚如蒙酌核而備採焉幸甚

平倭後議

甲并小除前作

平江張 璵理孚

前議既成藏諸篋行未欲示外人已而邊事日非列將望風奔退倭特高麗不保且舉鴨綠之險而棄之任

深入腹地留都以南沿海數州邑相繼告陷旅順無恙洋務者積廿年締造之功拱手授敵計失亡與馬

族耳以開方法計之其幅員方一里者不啻九十萬僅當我一行省勝兵不過十萬

人而能狼顧鴟張抗衡中夏者惟自知其小而欲敵我之大自知其寡而欲敵我之眾是以謀之專發之果而持之堅我則 廟謨無定眾志各殊土地雖大人民雖眾

而形勢轉覺散漫莫相統攝譬如連雞不得俱飛所以敗也昔西夏崛起一隅宋以十倍之資本不能制考其得失頗與今同論者謂當舉中外之政改弦而更張之力

屏虛浮以求實濟其言則是也而萬不能行益人心風俗之偷至近時而極非命世才而欲挽回積習何異緣木而求魚且亦非可以歲月期也以愚觀之思教今日之

急者仍以直搗其國為上策但嚮云數路會師就准軍駐平壤言也今既不可追矣則當專注一路專任一將以圖成功所慮者我師數挫之餘將皆懼敵縱老成宿望

亦務持重自全難冀其意外行事惟見任南澳鎮總兵劉永福在交趾時曾屢折法夷之角威名早震於泰西知兵若彭剛直岑襄勤曾忠襄咸服其英略自歎議既成

僅康以海疆一鎮間居恒歎念末由展效以答朝恩竊謂宜賜密詔先授為海軍提督今其馳還廣南招合舊部悉兩洋兵艦以付之厚給饗督責之進取且預戒以山

東江浙閩臺眾軍惟嚴守各海口不復出海為援用絕其反顧又明設非常之賞許俟功成後封以徹侯所有偏裨並加優獎士卒未經受職者普給六品頂帶並按名

賜之百金立功殊特者更不拘常限誠準此格則一軍上下必致命遂志若治其私
茂不濟矣此即易地而處之法亦猶日本之以小敵我大以寡敵我眾惟能一其心
專其力反用之勇往無前也何以不須別遣援軍必絕其反顧蓋行軍之患莫大乎有
所恃有所恃而誠可恃不亦善乎萬一不可恃則軍心渙而潰亡立見矣歷觀列史
所書戰事或恃夫軍而夫軍不濟偏敗眾攜或恃後繼而後繼不前勢孤師覆蓋健
將難得而能同心相助者為尤難故不知厚集一軍專恃為用昔王鎮惡伐秦汧渭
而進至長安登岸盡棄其舟裝使隨急流去瞬息不見然後令於眾曰此是長安北
門去家萬里且舟裝已棄有進死無退生眾從之遂一鼓而克其棄舟裝正以絕軍
心之反顧所謂置之死地而後生也何以預設重賞則古者出師皆然如云有能克
某城斬某首以某官官之某爵爵之仍賜金若干斤絹若干匹蓋有以欲動於先雖
中材亦將自奮此鼓舞人心之具於政體固無所虧乃今制必事後論功而賞之厚
薄當否受者皆難逆料故恒不得人死力此宜法古而變通之者也康熙中施琅以
克臺灣封靖海侯道光初回疆戡定楊氏侯者二人今倭之器於鄭成功而倭之強德於張蔭桓
兩使竟成和約計朝廷尚必隆褒矧有能滅之者雖許其如明沐英世守雲南故事曾不
為過而何有於微侯之位至於士卒賜金尤宜法古古者養軍或按時而賜焉如趙
欲以絹二十匹購契丹一首級謂可使其精銳立盡則山前後可圍周文宋祖皆藉
開創之君所以使人道不外乎此若前明末造李自成圍開封周王大出庫金置城
上募能斬一賊者予五十兩賊不能破始決河以灌之而周王家屬卒完此則賞之
最重而非出自公家亦見周藩之賢乃能切計乎利害也至我朝經費有常軍餼
恒虞不給所憑以昭激勸者惟保獎一端軍興四絕天下武職自都守而上之見存
者無慮十萬餘人往往保至提鎮勇號而求小小差使月廩數金且不可得視金錢
愈重視名器愈輕而因勢利導端在今日大抵士之應募別父母妻子而遠征亦為
貧耳縱使軍無缺餉終年所入不及五十金而一身食用所需皆在其內其於樽節
者始有留餘今一奮而頓獲三年之資誰不願從者至亡命跡之輩尤非重賞不
足以驅聳之若疑費廣難供則兵在精而不在多計此一軍極多不過三萬人給百
金亦止三百萬兩即營管哨官什長一例行賞視兵丁遞加亦不過更百萬兩而止
自道光以來中國償外夷烟費兵費無慮數千萬矣即今倭虜所欲得者動曰番銀
五六百兆圓孰為難供孰為可惜明者擇焉或疑劉鎮發跡之始與他武臣不侔則
立賢無方聖辟是尚國初施琅即以海寇投誠者近張忠武公國樞亦然而張尤以
義勇為時所推至今吳越人言之猶凜凜有生氣非即劉之鄉人哉况劉當洪逆未

平特本謀故藩司王德榜麾下嗣因軍罷轉徙越南值法蘭憑陵遂糾合徒眾發憤與之相拒越南本我藩封邂逅相依誼無不可與投仇國事理懸殊觀其以忠勇之名號召部曲雍髮結辮無改於初則心跡可見故左文襄函致總署早明其無負中華且稱為越南之義士矣文襄曠世大賢最慎許可不信其言而誰信即或又云劉鎮一將之勇其在越南亦賴中朝資助得不敗耳是在光緒十年事誠有之然當立黑旗軍之始不惟與內地消息未通即在越南槍礮鉛丸火藥亦皆由戰勝奪得不得假官給一切情形詳具西報雖法人不之諱故文襄與廣督張公樹聲書數為人所難能徒張空拳尚得持久諸問談者又何說也彼丁汝昌葉志超之望敵先靡者何莫非傾國成資而付之耶而其効竟如何也觀劉近日上總署書耿耿忠誠所著皆有次第其末歸李相節制尤見善於自處計慮周詳非血氣用事者比或又謂此殆他人教之豈必己出則尤不然夫好謀而成孔子所與能用善策即微其賢竊謂海疆防守提鎮中尚不乏人若堪勝此任則未有能易之者矣且論者亦聞晉武帝之用馬隆乎樹機能當與午初與之運而敢於背叛攻沒西陲此其能可知也邊報既聞武帝為之旰食疇咨將帥莫敢任之隆于時一殿中督耳獨請曰陛下若任臣臣能平之帝問方畧隆請不煩多兵惟一切假之便宜甲仗任所擇刀筆吏不得苛以言不可聽武庫今至給以親時朽仗與之忿乎蓋眾人所不敢任者而一人任之大將所不敢任者而小將任之不待功成已叢忌嫉藉非武帝此然不動則隆才末由見涼却末由平隴右危矣然舉朝之沮隆於事前也抑尚有由隆平居宿衛宮省不聞着方面之勲况未嘗與樹機能對壘烏知賊所以用兵者若何而三千里外憑虛揣之便曰必勝誰信為成算獨操雖武帝亦豈真有逆觀之明哉但能斷耳至劉鎮則十年前攻擊法夷固著成效日本雖悍視法夷之強不侔豈其勇於法夷而轉怯於日本沮之者亦誠何心若謂水陸異勢不能執彼擬此則劉久鎮南澳必已習乎海上事宜且今之伐之也原不與之爭勝於稽天巨浸中一抵其境即當登陸長驅志於必取若王鎮惡之為而水戰乎何有以吾觀之倭直易與耳方九十月之際我有可乘者三徵兵未集畿輔空虛一也慶典待行方務講求緝禮二也遠左南騷旅順未失朝士已無固志從家預避者紛然三也倘乘此隙悉其兵艦徑犯津沽事有不可知者而彼不出此顧惟旅順之圖雖使吾船礮成資喪於一旦然以形勢論則止是紆吾之背而未能扼吾之吭於以知倭虜未必無憚中國之心即其兵力言之亦不可謂厚矣既傾國以圖遼左腹內必虛且又料吾之必不肯冒險而遠征也攻

其無備出其不意時乎時乎彼若還師自救則邊禍立紓而高麗可復若遠左之軍不退強示有餘是謂驕兵兵驕者敗宋依諸帥自足制之而劉軍電襲長崎彼留守寡弱計日可克惟在國家知人善任斷行不疑庶他族無環起之虞南北有息肩之望矣

洋禍論

張興

自來無道之君皆禍及其身若子孫而止抑有身當之子孫當之使異代尚承其弊更有其身幸免子孫亦幸免乃越數百年易姓久矣而蘊毒始發遂貽累於無窮求諸史冊各得一人焉唐元宗好內怠政相李林甫將安祿山馴至播遷至德後戎狄強臣外內交乘甲兵時起土地侵削藩鎮之禍亟於五代邊裔之禍鍾於兩宋試推禍本皆在元宗其害固已烈矣及至明永樂篡立疑惠帝遁海外遣中官鄭和等蹤迹之因以脅服諸夷諸夷慕中國人物之盛不遠數萬里爭先款貢求貿易之利是為西洋入中國之始國初以荷蘭助討海寇故許其八年一貢二年一市旋傳其市以嚴中外之防自三藩服罪海宇又安康熙乙丑從疆吏之言大開海禁而英吉利始藉朝獻以求通然皆震懼威稜未敢肆也乾隆朝海宇殷盛乘準噶爾內亂一舉而闕新疆若蓬萊感固本以馭遠人豈非至善而邊事不怠從此亦無奇功溫福可謂順動而藩邦討逆於誼當然而粵督孫士毅者本和相私人妄以知兵自許且迎合廟堂風旨負其輕肆之氣而行之遂至破軍殺將身幾為虜福康安嗣事既無如院惠何乃因黎氏君臣而加惠封冊自理自振頓負初心亦知國體太虧思幹旋覆益而無術於是曲相招致欲得其親獻壽觴而阮首猶不自行遣其弟冒名入賀余弱冠前者先朝故事至此即疑來者非真國王迨光緒甲申諒山之役南交記載流入中華按之而信乃爾時所以待之者沿途厨傳之費每日至九千緡其他可想方且矜夸震耀掩耳盜鈴糜內地金錢無慮數百萬適足以貽外藩之笑為中國之羞自時厥後虛實益為所窺遂敢遣師船為江浙嘉慶中阮文達破之獲其偽敕印朝旨詰責其酋乃誘諸叛黨所為幸而舊阮代興傾心內嚮其患始戢以安南之弱也中國尚不能制之若英吉利法蘭西諸部舟車利器早成衅端早啟吾恐許其於東南數省設立馬頭及備兵費累三千萬者固不待道光時矣昔元太祖鐵木真已稱帝漠北而脩貢於金猶必自至金歲遣人於境上收受章宗之叔衛王嘗克此使俄而章宗崩衛王代立有詔至蒙古傳言當拜受鐵木真問曰新天子為誰曰衛王也鐵木真遽曰我只道中原皇帝是天上人作此等庸懦亦為之乎何以拜為不顧而唾王聞而怒戒邊吏俟其再至圖之鐵木真知之遂與金絕未幾大舉深入破居庸圍中都下河北山東州縣百數如踐無人之境距章宗崩不過數載使

發於太和之世金即無能禦之徒以其初尊仰上國若在蟻封鼠壤而瞻雲霄未示之環觀觀末由啟耳乾隆之季福康安輩示瑕外夷不一而足而幸得無事者則濱海漢奸尚少語言文字之不通故雖以暇示之彼未能遽了故也迨嘉慶己巳英吉利來庭不肯依中國行禮驕抗已萌道光中採黃侍即爵滋之疏嚴烟禁以塞漏卮而標之過感當日者林文忠在廣東鄧嶼錫在福建姚石首在臺灣皆布置嚴密虜無隙可乘改犯江浙裕謙應變稍疏然大臣節而敗於余步雲陳化成忠勇可恃而與牛鑑共事陶文毅既前卒江南大局肩荷無人乃付諸庸怯貪怯之徒遂決裂而不可收拾反歸罪於林鄧二公鍾寶達馬至於石首權任最輕轄境最狹兵力最薄獨能鑿沈夷舟者三四俘斬最多琦善者英伊里布諸臣擁數十倍之資才效莫展積慙反忌乃與夷人比而排之尤可為歎急痛恨者矣咸豐後黃池雲擾外禦勢分秦西因之益肆強力一入廣州而相臣為虜再衝都關而和務求紓難避時養晦不得不然已而粵賊逆苗逆回次第勘定方隅砥平宜可稍誕矣乃以垂簾者久 坤道尚柔天津台灣雲南伊犁琉球越南之事層見疊出仍皆使彼得所欲即幸苟無事時通商條約數年一易無非利於彼不利於我我惟俯首畫諾莫能與爭赫赫數功臣亦如宋人所譏張韓劉岳止能平內寇不能敵

事宜猶不其遂就曾文正乃頻以生事戒之蕭規曹隨跡可覆瓿文正書札具在人自不祥觀耳豈必待津門之役於崇厚丁日昌之甘心徇虜負國負民不加糾駁而後知其蘊邪即淮軍三十餘年久專虛譽偏享厚糈何莫非文正重獎封殖之賜左文襄彭剛直兩公皆於校虜憑陵時時發憤與文正異趣矣然亦未能見諸施行艱鉅之任獨力固不易勝也今則老成宿將大半凋落繼起者未知何如而敵已呼朋引類羣起相乘闖我門庭入我堂粵地形之險易郡國之肥瘠土產之贏絀人情之嚮背江海各口舟師礮臺之精堅與否纖悉周知其兵船來往兩洋無復期度稍不如志輒肆恫喝固已即以各省租界論內地奸究亡命視為魚雀之淵叢一窟其間法今即不能及昔李師道置邸東都陰納死士乘間竊發幾為唐室大害一節使猶然况數十部狡虜乎而最無理者則莫如萬國公法或一國無名相陵他國惟袖手坐視不聞據公法以責之也反幸我之敗而訕笑於旁我纔一勝則慮我窮兵急出而講解聽之則前功盡棄不聽則眾怒成歸夫兩國相見既不以玉帛而以兵戎亦各視威力之所能至耳迨恤其他而公法又須戰者自戰商者自商傳教者自傳教不得一律加害均之彼國人也仇隙既構何所區別伊古以還有是理乎彭剛直督師粵東曾議及此而 朝廷巽懦已甚急遏止之雖在小卒人人知 朝廷有必不敢完武籍此轉圜之心故未戰而氣先餒且彼如自愛其民則不當以不義稱兵使蹈

鋒鏑既如此矣迨臨陣力屈但整降幡或折腰祈免便不得再加追殺反是為公法所不容則凡犯惡逆者當發覺時誰不自稱知悔即終古刀鋸可不用矣况已整降幡或見救來而仍轉戰亦虜情之常是彼恒立於不敗之地而我必無立功之期也用心毒操術工託亂巧妄公法之足云直是多方以箝制我務使不能為而已自電線仿設每遇軍國微調萬里直如目前雖甚快意而機宜坐漏為害實多朝議於廷夕喧於敵又有各日報館助之偵探肆其簧鼓之言 朝廷即此一端已不能禁止昔後梁宣帝居於江陵東城而魏置總管居西城以相監守使不得專制其三百里附庸之國今諸夷使臣及領事教士等布滿中外所在皆江陵總管且所在不一江陵總管也左牽右掣雖智謀之士欲以奚為而近日談洋務者猶言師厥所長可還相制其說出於魏源左文襄亦主之故首請於福建創辦船政然事當同治五六年尚不致如今日防夷棘手之甚也時貽吳勤惠公棠早誠為雖成無益吾鄉李方伯元度亦頗不 然嘗言天下惟極可以制巧彼藝之深處豈肯示我徒襲其皮毛而欲開射羿之弓不亦難乎今船政告成已逾廿載不過以之運貨送往迎來中間事變迭更未聞毫髮之益而馬尾旅順二所場國力營營適足借寇兵而資盜糧則吳勤專為特具先見突然使如方伯說以我長龍舳板等師船紅衣劈山等火礮而與

盡海疆也彼但以數兵船遊弋飄忽而我所在終歲不得解嚴是我為主而反勞彼為客而反逸以目前倭患言之特其小小者耳而徵兵已滿天下新募至六百餘營設防者一隅而已然且聚之則見其多分之則尚嫌其少况西北有俄患蜀徼外與英接滇徼外又與法接皆不能高枕待之者乎 純皇在御歲久豐亨豫大之餘無故增兵六萬阿文成諫而不見從迨 仁宗朝度度已不給又不能一旦罷之始議缺額不補以漸裁之如是積年所減無幾而洋禍隨作 國勢凌夷半由於此今帑藏物力遠不如乾隆時而頭增兵數萬制雖殊費則一也竭民之膏髓以供是豈可常乎恐外憂未弭內難已興矣若欲姑議和以為息事寧人計則所索兵費銀式百兆竭海內不足以償且雖和而彼此仍不能以誠相見諸葛所云事不可息則佳與行勞費正等者亦豈持久之方乎嚮也增兵數十萬而後敢言和供億浩繁尚未識於何取辦彼兵出無名以加我者又將百倍以償之倘即用中華之賂還治兵事以害中華伊誰敢保且也一國如此何以待諸國小國如此何以待大國事至於今日戰曰守曰和無適而可此以國家利害言也更以世道人心言之耶穌教能招無籍小民尚不能惑士君子獨其算術藝事必高才生乃能入之而習俗移人久則與之俱化頃見某君崇尚西學於天文專推測詎占候又惡夫觀文察變天垂象見吉凶

數語之害已甚而詆之於論語之言君臣亦加排議非聖無法極其變不流入耶穌教不此稱美泰西者皆曰彼之謀利上下一心而中國反是然而中國萬不能以所短易所長也自通商以來上海天津貿易之浮薄詐偽日甚一日吾民愈與之近則愈變而愈不知其初至於伐性傷生糜爛血肉之具與夫奇技淫巧驚聽駭視之端來自外洋者歲新月異未知何底不特漢唐隆軌末由再見即欲為宋元明而不能嗟嗟二帝三王之天下一壞至此使賈誼重生其痛哭更當何如乎世皆追咎者英琦善之徒營私誤國甚且張敬曾主為死有餘辜是固然已然數奸特其潰靡者耳嚮使海禁不開則鴉片不至流毒中國道光之釁亦何由生始事不慎康熙諸臣實嘗之黷武而不能武剝喪元氣鉤致戎心乾隆諸臣實當之而禍水橫流則又濫觴於朱棣也害之烈於元宗奚翅相千萬哉鄉曲腐儒杞憂徒切於夷禍則原其始莫能測其終於禍所由成則痛之深不覺言之切中間亦略論人物蔽否皆稱心而出之責有攸歸盛名無避見知見罪以聽諸當世之君子焉

論中國各稅輕出重入等弊

清鎮簫詩言伯平

竊維強兵必先富國而富國要在籌餉自發逆擾亂楚軍遂興胡文忠公創為抽釐濟餉之法原以救一時之急而非欲屢世遵行而不變也且當時但有洪逆而夷患未起由中國之釐濟中國之餉定中國之亂公私相安而大難芟夷已著其效矣嗣是釐稅相沿遞有加增百物騰貴財力因之日絀遂錐刀之末利析秋毫其所由來者漸矣苟非變而通之安在不民窮則盡子然此特重非所重之一端耳自海道大通輪舟廣集洋商之來我中國者除英法俄美德五大國外載在和約者何止數十餘國名為通商心存覬覦乃燕臺一開而子口稅究則入口之洋釐遂輕我中國出口之釐日有增而無減蓋入口輕則洋貨之銷售必多且速獲利亦倍蓰出口重則則利歸外洋而中國遂貧而財益竭矣閉嘗觀中外之大勢而知其得失之所在矣外洋之稅非不輕也而重於入口其于土產出口之貨除烟酒害人之物必加重外而一切輕之是輕其所出而重其所入也出口輕則利在商人而民富入口重則利在公家而國亦富且民既富矣設一旦有大役亦可進議院而籌款於民故雖有國債而不失為富強之國我中國地大物博顧乃反其道而行之於以求得志於洋人斯已難矣然天下之事必先自強不受制於人而後操縱由我立法之重輕由我否則倒持干戈授人以柄而欲勉強以冀倖萬一其不至債事者幾希矣夫所謂自強者何曰戰而已矣自古能戰而後能守能守而後能和不移之論也前者中法構兵劉軍奮起其時洋人聞黑旗勝則皇然以懼黑旗敗則欣然以喜何以懼蓋惟恐中國戰勝而商務有變或無所圖利也知所懼則知所喜矣惜乎諒山一役僅偶勝而遂議

和也設彼時乘勝直前大加懲創則彼法人者震我兵威抑然屈服即英美諸邦皆有所懾而不敢動然後稍變易舊法於百貨之出入而輕重之俾利歸中國而無漏卮之患矣然此時則未可言也子口稅載在和約洋人堅持其議未能以無故而輕動也亦審矣再洋人每經營一埠如新加坡西貢等處均於入口之貨人物并稅而於他國運入本埠之物則加重之我中國於入口之貨僅洋藥一事加重倍蓰尚稱得法他如洋呢洋布百貨等物皆輕而又輕與出口之茶葉湖絲大黃牛皮事事相反無惑乎洋貨徧天下而中國且日見其貧弱也嘗怪中國於西洋算學格致機洗諸藝皆欲師其所長以為自強根本而於富國之道反不知講求而一加變計以救貧弱故其能自強而不受制於人也不亦憂憂乎其難哉鄙人憂天姑就所見筆之于書云

擬立中國文錢合益會節畧

廣州何獻輝崑山

中國積弱患由貧生軍國之需動形支絀欲仿泰西國債民不樂從事捐輸久而易懈自軍興以來每有動支必借洋款洋人亦利中國所有遂於各口岸關稅歲取盈所謂無政事則財用不足者哉言乎今議創立文錢合益會將以謀蓄儲權子母取民有根待用無窮人拔一毛足利天亦是權宜濟變之一術也所有章程開列左

一此會以論丁科錢合而受益故名文錢合益會

一設會專為國家籌款以備不虞自宜奏辦通飭各省一律舉行先由布項倡捐繼由官紳協助庶使上下同心羣情愈形鼓舞

一會中國人丁約有四萬萬之衆除貧不自給者三萬萬不計外尚有一萬萬丁每丁每日捐銅錢一文計每日得錢一萬萬大每千文作銀七錢算其應銀七萬兩週年三百六十日計共應銀貳千五百貳拾萬兩

一各省自為一會先由府州縣各司各堡各鄉各族分立丁口冊一本擬定每月每季彙收一次由該處公局全錄或徑繳省中銀號給予收條以為信據

一各省每年所得會本即由各省分貼公報善堂存放生息稟明該省大憲立案每年造冊呈報官紳祇許勾稽數目其錢銀仍歸各善堂紳董管理

一各省所存會本銀不得無端提挪如該省遇有偏災即將息款撥出賑濟先由該省借用再或助鄰省無分畛域事後均宜籌款一律補還以期久遠

一各省所存會本息銀如無賑濟軍務之用即將該款逐年分撥專款創建鐵艦鐵路炮局藥局平時有備臨事不假外求日用之資不匿富強之策胥成眾志益堅外侮自止

夙聞崑山先生留心大計一腔忠憤常以利濟天下為心閱此文錢合益會節畧

更見一班今東洋和款二萬萬若能照此行之輕車駕熟不過八年即可歸款且無借債外洋捐輸吾民之多事也當軸者曷試行之魯陽生謹議

上總署救時利弊論

張秉銓

竊惟倭人好大喜功前明至今屢擾中國始猶虛聲恫喝今則刻意經營少試於台灣而并力於高麗是以藉東學黨之事傾其全國之師以與我軍從事於三韓雖伸天討且大張撻伐而日久無功更多失利推原其故非日本真強中國真弱也請詳言之日本三島幅員不及中華十之一其人民亦不及華民十之一物產之富更不及中國十之一及能蒸蒸日上者以其君民上下合力因時制宜耳查日本國債約三十萬圓十五年來並不加增而水陸兵費光緒五年歲只需五十萬圓今竟增至每歲一萬萬圓果可所取資耶蓋能實力講究商務也光緒十年入口之貨所值不過三千餘萬圓出口之貨不過四千萬圓今則入口之貨值八千餘萬圓出口之貨值一萬二千萬圓金價昂銀價低泰西商人因而失利日本商人因而得利日本國家即因其民之利而利之於是百廢俱舉矣或見其盡變新法募仿西洋咸以婢學夫人請之殊不知其為真識時務者方今之世泰西各國爭長稱雄蠶食鯨吞近無寧歲軍火船械月異日新步之趨之猶恐不及非胼胝經營百倍其功則事事皆落人後

武備或曰能戰而後能德國宰相畢士馬則曰力足以勝理可見素無凌人之志亦不能不具攻人之心素稱守禮之邦亦不能不備禦侮之力否則不能安枕無以為國也三十年以來我

國家勵精圖治林馬厲兵水則舳舻縱橫陸則槍礮修備非不鉅觀然未足以資自守安可用以外攻也橫逆忽來倉皇失措與其臨渴而掘井何如未雨而綢繆此不待智者始辨為今之計一誤不宜再誤好自為自亡羊尚可補牢其道維何曰維有理則去弊養士治兵四大端而已理財者非較錙銖計出入也須開利源培根本頓整商務經之營之俾足食足以結民信現在歲入有根將來歲出無限應如何從容布置總以財不外溢而取用不竭通盤核算不致剝肉醫瘡他族推陳出新我力亦能致之他族欺侮戲弄力我即能摧之彼有愛好我即製造以售之彼欲圖利我即自為以限之凡能創一技者必使其子孫專無窮之利他人不得效顰我朝乾隆年間江慎修先生能製奇技巧藝不一而足即如木人木馬能就山齋飛行於山下野店買物並預囑該店將機關如何扭轉即飛馳回山此亦如諸葛武侯木牛流馬之法安在古今人之不相及耶惜時值昇平英雄無用武之地耳果能用盡其長則銅貨雖堅亦能自煉金磅雖貴不至吃虧無事時糧餉不竭轉移風氣在此一舉不可視為緩圖也若平

時不講理財臨事諸多棘手稱貸於國人勢成弩末助於外國仰人鼻息倘俱未能應手將如之何况中國物產之豐工之巧何必事事甘居人後乎惟在上者有以鼓勵之則工務商務必日起而有功焉海內之大豈無奇才異能以爭長効力者乎去弊者非徒事具文盜鈴掩耳也須變通法律明之典聖使內外上下實力奉行則庶可風清弊絕官吏厚其俸祿以養廉恥胥役給予華贍以杜貪邪禁賣官鬻爵以絕倖進明賞罰黜陟以息怨嗟部臣頒行政令職有專司去內外門戶之見督撫傳宣

上德責無旁貸况疆界畛域之分至若弓箭不合豈奚可拘於成法綠營未能得力何必率由舊章若能洞察利病急起膏肓俾事事認真功歸實際無事時全我國體有事時壯我聲威豈不懿歟即如福州地政創之有年人才輩出今且不設大臣講求督造而付諸地方官派員辦理其何能濟學生練習外國語言文字機器駕駛專事具文徒糜虛費無裨實用幾以船政為可有可無之數等諸弁髦此特其一端耳洋人則異是凡行一事必精益求精而後已且精益求精而猶不已是在一轉移之力耳養士者非專事文章徒講禮義也凡吏戶禮兵工刑以及海軍外務各部宜設專廷使人各按資性擇就一途由學生以至增國課或子弟聰明願出洋學習而家貧無力者助以川資學成回華予以位置使展所長以收其効不准改途不准申廢則培一人可得一人之用不至以門外漢濫竽充數矣三十年來風氣開後我

國家遣派學生出洋肄業者實繁有徒試問所學得所用者幾人其餘皆置諸閒散中聽其自覓生活甚至有為洋人供役者言之痛心即出使一途三年一換稍識洋務不使展其所長一得保舉過班即圖出仕於洋務既未能稍展於民事亦漠無所知而一面又派生手者出洋人地生疎實不能為使臣之耳目殊失遣使出洋之本意蓋使臣雖名為聯絡邦交實用以察彼族行徑也語言不熟何異龔瞖舉動失措譬若癡呆乃至人有謀我之心圖我之事其君臣磨勵二十餘年而我尚懵然罔知不為之備歷屈使臣俱沿不察越十年生就十年教訓二十年之外吳其為治乎其時伍員並不使越而始知也何乃以日本添設戰船三十餘號以伺我之變而我國並無所聞見哉所以西洋各國使臣有終身不換實有鑒於遷地弗良之弊也出使一途如此各途均宜如此則無愛博不專之病可收得心應手之功各項人員均由部派釐定章程歸各直省督撫差遣委周品學超羣者可擢不次之遷才識平常者只按資格陞用既無備

買冗員之虛名能得羣策羣力之實效平時同力合作可弭患於無形有事衆志成城復何功而不克是同一官制但稍變其章程耳後何憚而不為耶治兵者宜盡革前非練成勁旅也八旗之兵分為馬步礮三軍按西法訓練授以精良器械即以衛神京防守畿甸及東三省應去其長衫改穿短衣以期便捷神速其餘直省綠營悉汰老弱抽選精壯年二十歲者充伍三年之後隨時聽調至四十萬為止額兵之外多備軍械以供臨時增兵之用由兵部通盤籌算現在歲費養兵餉銀若干各省添養練兵若干即以全數改用練軍盡汰綠營無用之兵俾一兵可收一兵之效千日養之一日用之以平時之精銳太阿出匣其鋒可知以此制敵何敵不摧耶兵須有營房使其食宿其中無事不許外出按日定時操練有警持械立至總以時時存出戰之心臨戰時方能奮勇爭先不敢退怯否則臨時添招勉強練習以濫字之衆對精練之師無論其力不敵且招集需時操練費事已落人後着尚何能操必勝之權哉嘗見各省無事時則裁撤勇以省糜費及一旦戒嚴則倉卒召募皆烏合不逞之眾妄勵戎行孔聖人所謂以不教民戰是謂棄之也棄民即棄國矣此次水師血戰不勝非戰之罪也然如陸軍俱敗將安歸則未嘗練胆之咎一聞礮聲非潰即逃耳故練膽不可不講也至軍械船隻必須設廠隨時自造不求外人若一時經費不敷可與泰西大廠商議與購船隻或軍器若干約明來華設廠製造若二年之後其廠即歸中國此義大利各國辦有成案各商亦樂為之蓋其有大宗生理不惜大宗本銀也否則臨時添購轉運為難各國既守局外之章奸商藉取漁人之利既嗟棘手又吃大虧有心為國者當不為此下策也所可異者各船管駕或有此廠買槍礮礮子但取其便宜而一旦急用彼此枘鑿不合悞事不少其尤可駭者軍士於槍礮每多不諳點放平時亦並不操演前此越南山西之戰費盡衆力拾一開花礮前往而無一勇能知放法備而不用反為虛設今年長門演礮而悞斃十數人之多雖由不知操練之病亦皆由不曾設廠所致設廠則一面製造並資萬衆學習耳濡目染使人盡知兵市人亦可一戰尚何夷人之足畏乎凡此理財去弊養士治兵四大端係救時急務倘己力不逮不妨先行借寇俟我能自辦之日為止勿等閒於洋海關永歸洋人不想自理豈謂泰無人耶抑姑息苟安歟然不去弊不養士萬不能如西人之有條不紊公而無私耳胡不思子弟不可恃家之醜也借重外人豈可為常例耶應如何改弦易轍自培子弟護衛門庭使衣食擴充不貽人譏不受外侮孟子所謂猶七年病求三年艾苟為不畜終身不得是在有心人詳細籌謀不可稍涉粉飾之計秉銓一介書生但就所知激切言之出於至誠不求文飾伏惟

裁奪採擇立見施行大局幸甚天下幸甚

幼亦太守幸未進士幸粵西宣化各縣民建去思亭二長生祠四調臨驛薦升

郡守俄而以他事罷官兩袖清風一貧如洗所謂廉吏可為而不可為者也所

擬救時策動中肯綮望當抽實力行之有補於時局不少

弟陳仁泰注
張秉鈺

北洋海軍失利情形

竊維此次海軍覆沒東銓於十年前禦夷制勝策中早已逆料及之畧云今南北洋
兵輪管駕閩粵人最多至問其破敵之法則茫然不知且議論間皆以夷人之船堅
砲利兵法森嚴為言一若必不可勝必不能勝者雖不幸多言而中亦實闕習氣之
不可回也以二十餘年經營海軍竭盡心力一旦而敗於蕞爾國且靡有孑遺浸至
賠餉巨萬萬割全臺以求成言之真可為痛哭流涕者矣然失之東隅收之桑榆譬
之良醫既知其受病之處必須用藥以醫之傷羹吹齏其勢然也况我堂堂中國地
大物博當此強鄰窺伺之秋豈可因偶敗灰心而不思所以自強力圖報復哉東銓
久羈海上遙詢身歷行間弁士當日所以戰敗情形又參以究海述聞不禁愀然有
感而不能不懷慄於統帥之須擇人也爰就所確訪者筆之於篇大聲疾呼冀後之
再建海軍者鑒於前車嘗膽卧薪一悞必不可再誤則安在天下事不可大有所為
也

權動輒稟命北洋大臣而後行電音雖速輾轉已失戎機欲慎密不能也欲權變亦
不能也况散佈奸謀於中國不知凡幾偶或漏洩則盡知我軍情先發以制我致
倭人着着爭先而我則處處落後海軍大局實悞於此大抵有可稍緩之事方可電
商若軍務一時屢變免起鵲落毫釐千里當隨時變通耳一功罪不明也將士所以
効死勿去者為功名也不敢退縮保身者以軍令嚴明罪無所逃也牙山之役與倭
戰者齊遠也畏倭遁逃者廣乙也為統帥者察其類未不存私意不存褊心有功必
賞有罪必誅如是足以服眾足以示威則觀感興起何難敵愾建功哉乃戰勝之方
伯謙未聞有論其功者遁逃之林國祥未聞有知之罪者功罪不明士卒遂無鬥志
海軍之敗實基於此卒至東溝之役濟遠鑿於前此有功之不賞不無觀望之心然
此次雖戰而不盡力亦祇可案而不斷今其載罪立功以責後効乃臨戰自殺其將
以致債事覆師是猶與人爭鬥而自斷其足也不敗何待一戰陣不精也兩軍相對
不能操必勝之權者一曰陣整一曰氣銳東溝之役船非不多也砲非不利也軍士非
不能戰也而不能取勝者一誤於陣不整再誤於氣不銳師之耳目在於督船各船
均奉督船之號今而行某船之大前太後者督船應升旗以揮之令苟嚴明則陣自
整矣是役也致遠則輕敵太前廣甲濟遠則畏敵太後超勇揚威未至隊平遠廣丙

尚在香港內未來是陣尚未整也督船離敵船尚遠碼數不準竟行開砲全軍亦隨之
同開斯時烟霧迷天各船離敵船之碼數參差不一既不準矣安能命中一發不中
再發三發又不中則我之氣竭而且衰矣敵窺我炮之虛發其威愈壯其談愈張我
竭彼盈是以敗也夫善戰者自以先下手為強設我先行開砲一發即中敵將手足
失措不及還擊欣謂先生奪人是也惜此次軍中無善戰之統帥無忠勇之翼長致
號令紛歧軍心擾亂甚將戰艦資敵苟全身命不顧天下大局言之真死有餘辜耳
一船械不備也東海之戰敵船之速敵砲之多勝我遠甚我兵船雖有十二艘而可
以戰者則唯定遠鎮遠經遠來遠致遠靖遠濟遠七艘其餘平遠廣丙超勇揚威四
艘鐵甲太薄船身不堅不可以戰更有木船廣甲受一開花彈子全船即被焚燬又
何能戰以不可戰不能戰之船在陣未有不牽動全軍者戰未片時超勇揚威兩艘
同時發火烈燄冲天屍填海面觀者無不心膽俱裂斯時欲從而救之則敵將乘機
擊我舍而弗問焉則於心不忍士卒喪氣軍威因之不揚故水戰貴乎以堅船破敵
不貴以濫船充數也若果多而且堅接濟不窮軍心益壯又何戰之不克乎且更有
可歎者往往彈子與槍炮鐵孔不對納鑿不入臨時不適於用扼腕嗟嘆是誰之咎
與工欲善其事必先利器願當事者時時憶之一砲勇不足也海軍無事之秋各船所
備之器必須預備以補傷亡東海之役軍中竟有砲尚完好無人敢放者有藥彈數盡
無人轉運者有某處火起無人撲滅者其誤種種不能枚舉如有多備弁勇或傷或
亡立可另派以代之則無此誤矣一洋員濫用也非才之難能量才取用實難夫以
中國之大人之眾未嘗無才惜不能用於世耳當世每聞洋人二字則目為智巧
月棒多則七八百金少則二三百金不知洋人亦有良莠不齊何可濫用乎如以用
洋人之月餉而用華人未必無奇才異能出於洋人之上者北洋海軍之始設也曾
聘英員琅威理為水師副提督琅係英之管帶官熟識水師情形操練步伐動而且
能裨益實所不少是得真才而用者也乃自劉步蟾以不便於己而去之後用洋員
皆不及琅遠甚其倭人啟衅以德買漢納根為水師副提督夫漢納根特長於陸路砲
臺營伍於水師則未能深知東海戰後漢離水師以洋員馬格祿代之馬又不及漢
遠甚矣問其水師一切章程則茫然不知焉為提督未聞有出一令畫一策者日以
飲酒為事直一豎子耳我中國竟尊為水師副統領大損國威已悞全局自馬來後
洋員之貪利接踵而至名曰告奮勇實則圖薪水至威海瀕危水師被困若輩早已
置身局外矣濫用此等洋員又安能取勝乎大凡各國人才優者留而劣者去中國
所聘洋員洋匠類皆各國所不齒中國重價而聘之不獨無濟於事且貽各國交譏
凡當道喜用洋人者盍鑒諸一員弁不擇也海戰之時管帶官不能顧及全船所藉

諸買弁各司其職水勇可聽令而行耳大二三副由學堂出身者水勇必尊之畏之臨敵時不敢躲避不敢違令如由水勇遞升為大二三副者其平日視水勇為朋輩無威以馭之臨敵時欲其遵令無違不可得也一陸兵貽誤也以威海之險砲臺之多且堅東北兩港道水雷密布戰船嚴守其間倭兵萬不敢冒險深入以犯我其勢明矣所患陸兵膽怯威海之南砲臺不能終保有得大局聞丁提督亦慮及此欲將威南之砲臺曰趙北嘴曰鹿角嘴曰龍廟嘴盡行拆毀將砲移至威北之劉公島在山上另設砲臺可以助威又與水師互相犄角是一舉而兩得也其奈統領砲臺者執意不從及倭兵由山東之成山頭登岸崇城立陷長驅直進不數日即至威南我兵若能開砲堵禦猶可為也乃望風披靡竟棄砲臺而遁逃矣言之髮指所有砲械藥彈均資敵用敵既唾手而得砲臺遂以我利砲用我藥彈日夜攻擊我水師死傷殆盡怒憤冲天然尚冀有援兵躡敵之後奪回砲臺則水師不致終因威海亦可圖收復乃日復一日援兵不至威南以西全為倭有致倭之魚雷艇傍南岸駛入黑夜襲我於是定遠來遠威遠相繼中雷沉毀靖遠為砲臺擊沉斯時兵船所剩不過幾艘欲戰不可欲守不能藥盡援絕智竭計窮唯有束手待斃水師因以殲亡此非天意之攸關實人事之不盡也一醫官不力也海中文戰砲彈紛飛有卒然中砲骨肉

西國醫料藥水以備臨敵醫傷之用不但可知痛一時且保全身命此次海戰軍中

醫士有長於內科未諳外科者有躲艙內錶甲中而弗司其事者有早行離船為保身計者有不勝其任情面混充者種種不一言之實堪痛恨前車覆轍不可不善其後也一獎卹不優也按西國海軍用兵之時倍其月餉若能擊破敵船或斬敵獻俘論功行賞如至傷重為廢人者則給其一身衣食又不幸而陣亡者則優卹其家使其父母兄弟妻子免於凍餒如是兵士安有不樂於死戰乎我中國則用兵之時海軍士卒月餉未有加者且有從而剋扣餉者東溝之役死亡甚多所領卹銀除買棺運棺外所剩無幾安能卹及全家且尚有陣亡之卹銀竟無處領取者如是不獨生者無以為養即死者何以為情若夫被敵砲傷肢體成為廢人一家凍餒無人養者抑又不足道矣如是欲將士戮力疆場奮不顧身者其可得乎此一節將來重建海軍必須立大章程方能戰氣百倍也

張太守既將海軍失利情形筆之於篇雖然統帥固失職矣而管駕亦未為得人也方無事之日招募水勇則皆以賄賂黃緣而得者家有吉凶事告假則扣其月餉逾期不到即另補他人其額設之勇則按名每月必扣其所發之餉誰敢違言以水勇視管駕平日已望天如上其則喜怒無常號令不時賞罰寡信

眈眈疾視幾等長上為仇讐一旦臨陣交戰欲其奮不顧身如子弟之衛父兄其可得乎况又有以上所列各弊上下之情不通貴賤之勢迥隔如此者十人而九求其所向無前戰則必勝是猶種滿地稂莠而猶冀收穫嘉禾也噫生魯陽

福州馬江戰事大略情形

閩縣鄭雨炎蓮笙

光緒十年閏五月二十一日法逆一船始進閩港擱淺於洋與船底壞此船于二十七日始救起駛出閩沉祖灣二十四日孤拔之船進口泊於羅星塔上流由是日有一二船來均魚貫停泊於馬江羅星塔一帶至二十八日法船在我港內者共八號是日下午三點鐘已擬成戰矣旋聞有展期之信因而中止其時我船在港者僅六號曰揚武係營務處曰福星曰藝新係小戰船曰琛航係商船曰福勝曰建勝係蚊駐船敵者陸軍僅四營然恃在港內我熟彼生尚有恃而無恐自是之後法船日有出口然祇此數船輪流圍轉無新到者大抵為測港道添煤計耳嗣又移泊二號於閩安館頭長門等處防我填港也自此法船在馬江者日或四五號或五六號我船逐日進口者有濟安飛雲伏波振威永保等五艘又添調閩安平海師船八號剪鎮炳南炮船十號添募漳泉協陸勇千名以楊副將廷輝統之下江泗水勇百餘名以督水師協副將德柯督之尚幹鄉投効者三百人林侍衛培基為之首馬尾道方觀察勳統帶之潮普勇一營我眾彼寡聲威為之一震自六月六日法人有水雷快艇二隻共識為攻船利器我無荷士基連珠炮不能制其死命始有戒心張星使見彼有水雷我無水雷知不足以制勝也因札調丁憂在籍之北洋水雷學生林慶平督之挑撥泗水勇漳泉水勇福潮水勇共三百名分隸之由是相持又將匝月七月二日颶風作大雨如注溪流驟發江漲高尋常五六尺初三日又值大潮淺港行船均無礙而難作矣是日法船在馬江者六

艘泊於羅星塔下洋者三我以振威濟安飛雲三船與之相拒我船迤南泊彼船迤北泊於羅星塔上流者三孤拔之船在焉我以揚武福星與之相拒我船迤西泊彼船迤東泊我猶在其上流彼之水雷快艇二隻均泊孤拔之船旁我之伏波藝新二船在揚武上迤西南泊焉福勝建勝二船在其旁永保琛航泊於船廠鉞水坪前二船係商船無砲可以擊敵擬各載勇三百名往衝敵船攏近時即過船以短兵殺賊而我之捍雷小烟船七隻均泊海潮寺前此外尚有閩海安平海水師艇船八號勇鎮軍砲船十號均泊於羅星塔馬尾傍岸一帶福州水勇配北船三號漳泉水勇配漁船二十餘號均錯雜停泊其間此水軍之布置也陸軍則船署之前有福靖新左新右二營駐焉後營駐山火藥庫福靖新後營駐焉皆黃提督老摩為之統領山上則副將世楷之福靖老後營駐焉馬尾道則方觀察之潮普勇駐焉旺岐則楊副將之漳泉陸勇駐焉船頭則林侍衛之三官人駐焉此陸軍之布置也下午一點鐘時下流有法船一艘飛駛而來彼船在羅星塔下流者有一人執旗招展而舞不知發何號令彼船錨鐘之旁均有兩舢板守焉大抵斷鏈弄錨也我船號令在營務處而揚武船寂然彼船舞旗畢燃號炮一聲眾炮齊轟矣我三船在羅塔下流者均受有砲彈振威管駕許壽山在望臺傳呼所被開炮旋鍊甫斷彼三船第二周之炮均專注振威一船兼以荷士基格林炮連珠彈紛如雨集彼蓋見振威管駕能軍慮其船走動則難制故併力攻之四葉輪果被其擊壞船不能行矣許管駕已中連珠彈顛矣敵船復一炮中其鍋爐船即沈沒矣而濟安飛雲二船錨鏈尚未斷也彼船更數炮而二船火矣我三船既沈毀彼船仍停原處泊所不走一步惟聞炮以擊羅星塔旁岸之師船及隔山轟擊而已此我船在羅星塔之下流被擊之情形也其在羅星塔上流者彼船一燃炮炮彈均專注於揚武一船揚武即受彈兩處彼蓋知揚武為營務處係各船主將且船大炮多此一破諸船之氣自奪故首先併力攻之揚武甫開炮回擊彼之水雷快艇已到船底發一雷而揚武沈矣管駕坐舢板載紅旂而遁福星所被赴救業已不及斯時敵船槍炮彈如雨福星管駕凍英屹立望台傳呼開炮擊敵其僕程姓者請曰伏波藝新已開向上流我船亦宜開向上流各各船相機回擊英瞋目曰爾欲走我耶叱之退遂令於眾曰男子漢食君之祿當以死報今日之事有進無退我船銳進為倡當有繼者安知不可望勝全船諾聲雷動由是鼓輪掌舵貫敵陣而前開邊炮以左右擊之惜炮小又未能中其要害我船亦被彈數處然亦均非要害復在下流裝足子為貫敵陣而回擊之如前至此我船受創甚矣斯時也伏波藝新已向上流而遁隨福星而進者惟福勝建勝二船該二船係水炮台惟前向大炮一尊船小弗能及藝新船轉舵回轟數炮孤拔亦遽退三船合圍以擊福星福星管帶已中彈殞於望台三副王連繼之開炮奮亦被彈顛船上死傷枕藉仍力戰不退迨大藥船中彈藥發船焚始紛紛赴水該船額配九十五員名存者僅二十餘人可謂血戰矣建勝燃一炮及孤拔之鷓首受其微傷敵船即萃擊之管駕林森林即中彈殞船亦被轟而沉督帶福建勝炮船呂遊擊

輸在其船亦及于難是時僅餘福勝一船船尾已受彈火發尚燃炮奮擊管炮翁守正發數槍殲敵二人敵彈貫其胸而路管駕葉琛槍彈貫頰蹶而起指揮裝炮敵彈復集其賁而亡船亦旋沒法逆見我船意破也始進攻永保琛航二船尚在水坪前未動也連轟十餘炮二船亦火矣我之桿雷船七隻各率桿雷向港汊而匿被其水雷艇追擊沉者三百餘各師船以東風動不能前坐以待斃但見敵燃一炮我沉一船不須史無了遺矣此我船在羅星上流被擊之情形也張星便登高而望見各船之均投灰燼也跪而走鼓山後忙如喪家狗言之何可哂是役也各船管駕力戰陣亡者四人皆世家讀書子弟惟其讀書明大義故能見危授命如此昔 沈文肅公招考學生必文理通達方克入選義深遠哉將夕我船之炮聲亦停各營陸續自山谷回造晚飯是夕轅門猶燃更砲法逆以為號砲即開炮轟馬尾道之潮普營不知其中已成空壁惟一帶民居屋宇燬焉初四日法船乘潮駛進塢前悉力轟廠盡褻傾矣鐵廠之大烟筒頽矣船槽之機器房壞矣挖土船沉矣其餘廠屋器件損傷焚毀者不少法逆終不敢登岸慮我廠中之有地雷也我之陸勇聞炮聲則登山而匿聲停則歸而搜括各寓所之財物器具惟陸都司桂山督炮勇數人登山以克鹿十行營砲擊敵船多命中惜炮小未能痛懲之然敵人已交口稱其能以為僅見也初五初六初七等日法船攻我田螺灣閩安南北山岸各處炮台各砲台防軍均鳥獸散法人尚以藥水炸我砲位即回船初七日法船八艘停泊於館頭首夜四鼓以兩船開鎗金牌長門擊我砲台金牌砲台燬焉長門砲台最扼要我將軍穆圖善駐焉初八日早法船開炮我設空壘匿兵不動法逆至我軍猝起斬馘數人餘者遁回船仍退泊館頭至首糧煤子均將竭急謀出口乃於初十夜戌刻連檣遁惜哉長門大砲前此無故改造均向外向皆小砲不得力不能遏其去路彼船遂駛而遁台後我開炮轟之傷其一船幾沉矣彼以兩船挾之而遁我砲台亦被擊有損傷比法逆轟廠燬砲台及全軍遁去之情形也以上各情形或為目擊或聞山上觀戰及死事各船殘兵言之或得之下江傳聞故錄之以當一則稗史

是役也孤拔實大受炮傷到台身沒外國之觀戰者尚謂法主帥陣亡中國為得勝然馬江之役中國督師各營駕弁士等深明大義奮不顧身計共亡閩人二千餘人於此見閩人之忠勇過人處尤多以視望風逃潰及偷生降敵者其相去為何如哉不禁喟然太息魯陽生記

普天忠憤全集卷七終

